



REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE MITROVICË - DEGA E GJYKATËS SKENDERAJ

Numri i lëndës: 2022:234641

Datë: 06.12.2022

Numri i dokumentit: 03719693

PPP.nr.148/2022

GJYKATA THEMELORE MITROVICE-DEGA SKENDERAJ, Departamenti i Përgjithshëm, si përmbaremore me gjyqtarin Hajrullah Aruqi dhe me bashkëpunëtoren profesionale Shpresa Shala-Istrefi, në çështjen juridike të kreditorit KRM “Uniteti” sh.a Mitrovicë Rr. V.Dragaj pn, kundër debitorit S.B. me adres... Skenderaj, lidhur me pagesën e borxhit në shumë prej 229.90 €, duke vendosur sipas prapësimit të debitorit ushtruar kundër Urdhrit për lejimin e Përmbaremit, gjykata jashtë seancës me datën 06.12.2022, nxjerr këtë:

A K T V E N D I M

I.APROVOHET PJESËRISHT prapësimi i debitorit S.B. me adres... Skenderaj, ashtu që:

II.SHFUQIZOHET PJESËRISHT Urdhri mbi lejimin e Përmbaremit P.nr.450/22 dt.12.04.2022 për periudhën 13.06.2014 deri me 31.12.2020 në shumë prej 162.40€, dhe **OBLIGOHET** debitori S.B. me adres... Skenderaj, në emër të borxhit për mbeturina për periudhën kohore 01.03.2021 e gjer me 01.03.2022, t’ia paguaje shumën prej 67.50 €, me kamatë ligjore në lartësi prej 8%, duke filluar nga pranimi i këtij vendimi e gjer në pagesën definitive të detyrimit.

A r s y e t i m

Kreditori, KRM” Uniteti” sh.a Mitrovicë Rr. V.Dragaj pn, ka parashtruar propozim për lejimin e përmbaremit kundër debitorit S.B. me adres... Skenderaj, lidhur me pagesën e borxhit për mbeturina për periudhën kohore 01.01.2014 e gjer me 01.03.2022, në shume totale prej 229.90€, me kamate prej 8% vjetore, si dhe shpenzimet e procedurës në afat 7 ditor, në të kundërtën të behet bllokimi i llogarive bankare, regjistrimi, vlerësimi, sekuestrimi dhe shitja e sendeve të luajtshme dhe të paluajtshme, e mjetet e

mbledhura të derdhen në llogari të kreditorit, të gjitha këto të specifikuara në propozimin për përmbarrim të dt.12.04.2022.

Organi përmbarrues me Urdhrin P.nr.450/22 dt.12.04.2022, e ka lejuar përmbarrimin sipas propozimit te kreditorit.

Debitori ka parashtruar prapsim me shkrim, me arsyetimin se kreditori nuk ka dëshmuar fatura me anë të se cilit është ngritur përmbarrimi, nuk ka asnjë provë se faturat janë dorëzuar me rregull, borxhi me të cilin ngarkohem sipas nenit 360 të Ligjit për Mardhënje të Detyrimeve ka arritur parashkrimin, Andaj kërkojmë nga gjykata qe ta aprovoj prapsimin ne tersi si të bazuar.

Kreditori në afatin e parashikuar ligjor ka bërë përgjigje në prapësimin e debitorit, me arsyetim se duke u bazuar dhe mbështetur në nenin 21 të LPP-së përcaktohet qartë se procedura përmbarrimore mund të zhvillohet vetëm në bazë të dokumentit përmbarrues apo titulus exectuions. Procedura përmbarrimore ka filluar dhe është e bazuar në faturat apo ekstraktet e Kreditorit KRM"Uniteti" Sh.A të cilat i përmbajnë të gjitha të dhënat e sakta lidhur me debitorin duke bazuar dhe mbështetur ne nenin 40 të LPP-së. Faktete relevante të lartëcekura, faturat dhe ekstraktet si dokument i besueshëm, Andaj kërkojmë qe prapsimi i debitorit të refuzohet në tërsi si i pabazuar dhe urdheri te mbetet ne fuqi duke u aprovuar.

Gjykata Themelore Mitrovicë-Dega Skenderaj, si përmbarrimore në zbatim të dispozitave të nenit 69 e 71 të LPP vlerësoi prapësimin e debitorit dhe gjeti se të njëjtit është i bazuar pjesërisht. Arsyet e paraqitura në prapësimin e debitorit pjesërisht tregojnë shkaqe sikurse në nenin 69 e 71 të Ligjit të Procedurës Përmbarrimore, sipas të cilave do të pengohet përmbarrimi i lejuar nga përmbarruesi privat.

Gjykata, pas shqyrtimit të pretendimeve të debitorit në prapësimin e parashtruar, lidhur me atë ku ka kërkuar qe të aprovet i njëjti si i bazuar dhe të anulohet në tersi si jo ligjor dhe i parregullt urdhri mbi lejimin e përmbarrimit dhe të prishen të gjitha veprimet e ndërmarra përmbarrimore me arsyetimin se propozimi për përmbarrim nuk i përmban kushtet ligjore të kërkuar konform nenit 38 par.1 te LPP-së.

Po ashtu dokumenti me te cilin është lejuar përmbarrimi nuk i ka tiparet e përmbarrueshmëris sepse ne mes kreditorit dhe debitorit nuk ka pasur raport juridik kontraktual, pretendimet e lartcekura gjykata i refuzoj si të pabazuara për fakti se në shkresat e lëndës gjendet fatura e cila i është dorëzuar edhe debitorit ku kjo dëshmohet me fletkthesën e dt.19.04.2022 ku se bashku me propozimin për përmbarrim ju ka dorëzuar edhe fatura e qe ne rastin konkret ka shërbyer si dokument i besueshëm dhe e përshtatshme për përmbarrim konform nenit 29 par.1.3, 37 dhe 38 par.1 dhe 2 te LPP-së.

Sa i përket deklarimit të debitorit se nuk ka pranuar fatura në mënyrë të rregullt në shkresat e lëndës nuk ka dëshmi se debitori ka parashtruar ndonjëherë ankesë lidhur me këtë çështje të kreditori, andaj te njëjtat pretendime nuk qëndrojnë dhe janë të pa bazuara.

Sa i përket pretendimeve lidhur me parashkrimin, gjykata të njëjtat pretendime i aprovoj pjesërisht si të bazuara, pasi që i tërë borxhi me të cilin ngarkohet debitori, S.B. me adres... Skenderaj, për periudhën kohore 13.06.2014 deri me 31.12.2020 është borxh i parashkruar, konform nenit 360 par.1 të Ligjit për Marrëdhëniet e Detyrimeve. Kurse sa i përket borxhit për periudhën kohore 01.03.2021 e gjer me 01.03.2022 gjykata gjeti se i njëjti është i bazuar dhe nuk ka vjetërsim të borxhit të kreditorit në raport me debitorin për këtë periudhe kohore, referuar nenit 360, par.2 te Ligjit për Marrëdhëniet e Detyrimeve (Ligji nr. 04/L-077).Ku parashihet që afati i parashkrimit për çdo kërkesë të arritur gjate një viti, fillon të rrjedhe në fundin e atij viti, e që në rastin konkret për të gjitha kërkesat e arritura ne vitin 2021, afati I parashkrimit ka filluar të rrjedh me 01.01.2022, dhe në rastin konkret nuk kemi kalim të afatit të parashkrimit për faktin se kreditori, propozimin për përmbarim e ka parashtruar me datën 12.04.2022, me çka ka shkaktuar ndërprerjen e rrjedhjes së afatit të parashkrimit, konform nenit 369 te Ligjit për Marrëdhëniet e Detyrimeve (Ligji nr. 04/L-077).

Sa i përket kamatës së aplikuar për detyrimin e aprovuar si në piken II të dispozitivit, gjykata u referua nenit 382, par.1 dhe 2 te LMD-se.

Gjykata konform nenit 17 te LPP-së, përshtatshëmish aplikoj dispozitat ligjore te LMD-së

Andaj, nga arsyet e cekura më lartë, dhe konform dispozitave të nenit 3, 17, 29 par.1.2 dhe 1.3 dhe par.3, 35, 69, 71 e 73 par.3 të Ligjit të Procedurës Përmbarimore, lidhur me nenin 360 par.1 dhe 2, dhe 368, 369 dhe 382 par.1 dhe 2 të LMD-së, gjykata vendosi si në dispozitiv të këtij aktvendimi.

GJYKATA THEMELORE NË MITROVICË-DEGA SKENDERAJ
DEPERTAMENTI I PËRGJITHSHËM
PPP.nr.148/2022, dt: 06.12.2022.

GJ Y Q T A R I
Hajrullah Aruqi

UDHEZIM MBI MJETIN JURIDIK: Kundër këtij aktvendimi, lejohet e drejta ne ankese, ne afat prej 7 ditësh, përmes kësaj gjykate për Gjykatën e Apelit në Prishtinë.